

BAI EUSKARARI. Euskal Konfederazioak eta Kontseiluak lehen aldikoz banatu dute ziurtagiria Iparraldean

Ipar Euskal Herriko 46 gizarte eragilek ‘Bai Euskarari’ ziurtagiria jaso dute

Euskararen alde hartu eta hartuko dituzten engaiamenduengatik eman dizkiete ziurtagiriak



GAIZKA IROZ

Ipar Euskal Herriko 46 gizarte eragileren ordezkariak izan ziren atzo Miarritzen, *Bai Euskarari* ziurtagiria jasotzeko ekitaldian.

ESANAK

XABIER MENDIGUREN
(Kontseiluko idazkari nagusia)

«Euskara bizitzako arlo askotan normaltasunez ikustea lortzen ari zarete zuen konpromisoaren bidez»

MIZEL OROÑOZ
(Euskal Konfederazioko eleduna)

«Gizarteak egin dezakeen ekintzarik baliotsuenetarikoa egiten ari gara: hizkuntza salbatzen»

JAKES ABEBERRI
(Miarritzeko auzapezordea)

«Abiada ezberdinean bada ere, euskararen normalizaziorako urrats sendoak egiten dihardugu»

«Hego eta Ipar Euskal Herriaren arteko loturak sendotu eta normalizatu dira, hitzaren zentzu orotan», azpimarratu zuen Mizel Oronoz Euskal Konfederazioren bozeramaileak. «Gizarteak egin dezakeen ekintzarik baliotsuenetarikoa egiten ari gara: hizkuntza salbatzen», gaineratu zuen. Alde horretatik, 1998ko akordioa ekarri zuen gogora. «Orduan Sarak herri gisa izenpetu zuen *Bai Euskarari* akordioa, gizarte osoari euskaraz bizitzeko gutizia erakutsiz», esan zuen Oronozek.

Euskal Konfederazioren eta Kontseiluaren ondoren, Baionako Aviron taldeko eta Polyclinique Cote Basque Sudeko ordezkariak hartu zuten hitza gizarte eragileen izenean. Bi ordezkariak jadanik hartu dituzten engaiamenduak aurkeztu zituzten; seinaleak eta erantzungailu elebidunak ezartzea, bertzeak bertze. Kirolari zein langileei euskara ikastaroak proposatuko dizkiete etorkizun hurbilean, eta komunikazioa ere ele bitan egin nahi dute.

Aitor Renteria | **MIARRITZE**

Ipar Euskal Herriko 46 gizarte eragilek *Bai Euskarari* ziurtagiria jaso zuten atzo Miarritzen, Euskal Konfederazioren eta Kontseiluaren eskutik. Arlo guztietako eragileek jaso dute ziurtagiria: kirol taldeak, enpresak, hedabideak, saltegiak, eritxteak... 45 gizarte eragilek *Bidean* ziurtagiria jaso dute, euskararen normalizaziorako gutieneko neurriak hartu eta garatzeagatik. IKAS Euskal Pedagogia Zerbitzuak, berriz, zerbitzua euskaraz eskaintzen duten erakundeei dagokien *Guk zerbitzua euskaraz* ziurtagiria lortu du.

Ekitaldia Kontseiluaren bide-

oaren aurkezpenarekin ireki zuten, eta ondotik Jakes Abeberri Miarritzeko auzapezordeak hartu zuen hitza ekitaldia aurkezteko. «Hirugarren aldiz, Kontseiluak eta Euskal Konfederazioak bultzaturiko ekitaldi bati abegia egiteko ohorea dauka Miarritzek», erran zuen Abeberri. «Abiada ezberdinean bada ere, gizarte eragileek euskararen normalizaziorako urrats sendoak egiten dihardugu», azaldu zuen Abeberri. Ekitaldiaren karietara, langile-ria euskalduntzeko asmoz Miarritzeko Herriko Etxeak eta AEK-k heldu den urtarrean indarrean sartuko den hitzarmena izenpetu dutela azpimarratu zuen.

«Euskara bizitzako arlo askotan normaltasunez ikusi eta entzun dadila lortzen ari zarete zuen konpromisoaren bidez, eta eskerrak eman nahi dizkizuegu egiten ari zareten lan horregatik», adierazi zien Xabier Mendiguren Kontseiluko idazkari nagusiak gizarte eragileei. *Bai Euskarari* ziurtagiria lortzea hizkuntzaren normalizazio prozesurako albiste pozgarria dela azpimarratu zuen Mendigurenek. «Hemendik aurrera zuen engaiamenduen adierazgarria da, eta horrela erabiltzean normalizazio prozesuan parte hartzen ari zarete la agerian geldituko da gizartearen aitzinean», gaineratu zuen.

300 gizarte eragile inguru

Atzoko ekitaldian *Bai Euskarari* ziurtagiria jaso dutenak kontuan harturik, dagoeneko 300 gizarte eragile inguruk erdietsi dute euskararen normalizazioaren aldeko lana bermatzen duen ziurtagiria. Ziurtagiriak urtebeteko balioa du. Gero, hartu konpromisoak behar bezala betetzen ari direla baieztatzen du Kontseiluak, beste urtebeterrako berritu ahal izateko.

Iparraldean, Baionako Aviron, Biarritz Culture, Ipar Baionako Leclerc zentroa, CFDT-Euskal Herria, ELB, Herrikoa, Euskal Konfederazioa eta Kontseilua daude ziurtagiriaren Jarraipen Batzordean.

ZIURTAGIRIA JASO DUTEN ERAKUNDEAK

BAI EUSKARARI BIDEAN ZIURTAGIRIA

- ACCEA Lan Berri
- AFOG
- Ahaideak
- ARCA - Banque du Pays Basque
- Arizmendi inprimategia
- ARRAPITZ federazioa
- Pierre Bonefons asurantzak
- Aviron Bayonnais

- Bai Komunikazioa
- Beltzuntze Batasuna
- Biarritz Culture
- Donibane Lohitzune-Ziburuko Club Leo Lagrange
- Comedia
- Ezpeleta (feriak)
- Credit Maritime Littoral du Sud-Ouest
- Donamartiriko besta komitea

- Euskal Dantzarien Biltzarra (Iparraldeko Ordezkaritza)
- Euskal Herriko Pilota Liga
- Euskaldunon Egunkaria (Iparraldeko Ordezkaritza)
- Eusko Ikaskuntza (Iparraldeko Ordezkaritza)
- France Bleu Pays Basque
- Handisport Pays Basque
- Haritza

- Hazia elkarte
- Hemen
- Herri Soñulariak
- Herria
- Herrikoa
- La Cave Gaillacoise
- LEIA
- Les Vignerons du Pays Basque
- MAIF - Baiona-
- Mattin Megadenda

- Urruñako Turismo Bulegoa
- Olaberria
- ORPI Côte Basque Immo
- Ostoa
- Piztu elkarte
- Polyclinique Cote Basque Sud
- Polyclinique d'Aguiléra
- Pub Factory
- Sodibay Ipar Baionako Leclerc zentroa

- Euskal Erakustokiaren lagunen Elkartea
- Sodix S.A Intermarche - Soñuta
- UEU - Udako Euskal Unibertsitatea (Iparraldeko Ordezkaritza)

GUK ZERBITZUA EUSKARAZ ZIURTAGIRIA

- IKAS euskal pedagogia zerbitzua